




Matiu 1



Ioxe, Elisapeti opone so'io 6 mukalu. La Mosinge mupalusou angelo e Xevilieli so ulai no tuala ne Nasaleti a uxolu no xale lia ne Xalili. La anu mulai noxie vuanga vile ualasie lexe Malia. Vuanga ne ilai noxou mulu vile uasi ia misosovosie so itaula'ixu Kingi Teviti ilusunu vile ualasou lexe Iosepu.



la angelo muvikalane lexe, “Malia, na'ume mamu xo Mosinge mu'osasine ne. Une'e la nini oponeni xe ili'i la navo'onu iline mulu vile. La namoxo'u lexe lesua. Anu ualasou uxali utiatila mo imoxo'u lexe Anusisi U'uli'uli Olu. La Mosinge Anu Tatananenge utulusou no anu tanixu kingi noxou ilusunu e Teviti. Xe anu uxolu no anu tanixu kingi so u'uli laxunu laili noxou lakovo kaluxu uasi.”



La ane Malia mitali'isou angelo lexe,
"Mi anene uxali axova? E eni alai
noxou mulu vile uaosio." La angelo
mukoline lexe, "Mosinge Anu Ulenu
Laixe une'e noxine mo xavinu
Anusisi U'uli'uli
usu'asine. Laso ili'i nini
navo'onu iline vile
ilixo noxou
malemalengasi mo
ane'i ilemolu lexe
Mosinge Olu."



loxe, Malia ixolu maxuveni uasi mi'avuti milai palea no xale lia vile. Milai ne la mixali no la'ola'olu mo milai avile no tuala vile ne lutea. Mixali la mi'unalai no tasou Sekelaia mo mivikala aso noxie Elisapeti. Ioxe, Elisapeti milomusou aso noxie sila ilie no opone mu'avuti mu'oki.



La Ulenu Laixe mupamuxane Elisapeti. La mivikala tatila aloxo 'o, "Ai, mi ane Mosinge muxalixu noxine ne lailaixe manina, uua'ulixu anene noxixe tasema mukalusi. Xe noxou iline no oponeni ne, Mosinge uxalixu nene'axu lailaixe misevile no anu xoluxoluxu."



Ano'o a'alo sou lesua Kalaisiti lexe muvo'o axova. Nenu ualasie lexe Malia ne ane'i misosovosie so itaula'ixu losepu. La ilou ixolu ipita uao ia Malia opone xo Ulenu Laixe molu muxalixu mi ne.



La itema e so mulue Iosepu ne mulavu lexe ane opone
Iaso muxavutala lexe ilou
itaula'i uasi. La anu ilixo
noxou ulapu mo umasaxau
so ulosie maila uasi. Laso
anu mu'oxo lexe
ulemolu mi ne noxi'a
tamitema latala
uasi, upilixin se'isisi.



La losepu oponu utulu axonesi, xo la muai musaxi la angelou Tatananenge mupa noxou mo muvikalanu lexe, “losepu ilusunu Tevitio. Nano'e Malia so ngolou ngaxolu loxo semameni, na'ume uasi. Xo anu ane uxolu no opone ne anu molu noxou Ulenu Laixesi.”



“La ane ivo'onu ilie mulu la nini namoxo'u lexe
lesua, xo anu ane so upamauline'i tamitemaou no
anu susu noxi'a.”



Xe Iosepu mutulu laso mumulinu vaikalaou angelou Tatananenge ne. La muno'e Malia so semau mo ilou mixolu. la ilou iai uasi, mixolusi. Mixolu xo mo mivo'onu ilie ne la Iosepu mumoxo'u ualasou lexe lesua.



No voxo ne la Sisa Oxasitusi mu'oxonu voto vile mo mukalanu mulai no tuatula ane mu'uli laxunu ne. Mu'oxo lexe i'oxonu senisisi mo ino'u ualaualasi'a tatemana mukalusi. Laso tamitema latala a mililivu no anu



tuatualasi'a u'isalili mo so taxamani ino'u ualaualasi'a.

Ioxe, Iosepu kalumo mulutu so ulivu no tualasou. Anu ilusunu Teviti xo anu so laili noxou u'isalili laso mulutu no tuala Nasaleti ne Xalili e muxolu no anu ne. Mulutu la mulai no tualasou ane



Peteliemu ne lutea xo anene tuala noxou Teviti.



Iosepu mulai, la olie sema misosovosie lexe noxou e
Malia milai so taxamani
ikaukavunu ualasi'a. La no
voxo anene
Malia opone.



Iiou a mixoxolu ne
Peteliemusio sila voxo
so Malia ivo'onu ilie
muxali.



Laso no voxo anene mivo'onu ilie anu laposalaxu.
Mivo'onu mukalu la misu'asou no anu lavalava mo
miaisou no anu lusou la'ilalixa'a
takau.



Ane'i a mixolu no anu ngiou noxi'a tamisoposi
axone xo tasi'a tamitema taasila a mua'anana,
mole tanixa'a nonano uasisi.



loxe, no apu ne tamitema se'i so isaxila'a tasipisipi. La mixolu noale va'axu no taoni no olovoxo ne so isaxila'a tasipisipi no laxalaxalasi. Mixolu sila angelou Tatananenge

muxali no laxune'i.

Muxali la Tatananenge iaxu mutalo no

pa'upa'ume'a sika tane'i kalaua misevile.



la angelo ne muvikalane'i aloxo 'o, "Nga'ume uasi, ngalomu. Eni ene'enu a'alo laixe no anu mi vile so osa'ila tatila noxi'a tamitema mukalusi 'o. Xo no anu taoni noxou

Teviti la
sema vile
mivo'o mo ilie

ne anu so
upamaulingengi."



“Anu ane Mosinge musosovosou so Kalaisiti mo anu Tatananenge ane. La alemolu sosovo so ngatongonu aloxo 'o. Ngingi ngamaisou keakea ne misu'asou no anu

lavalava
mo miaisou
no anu lusou
la'ilalixa'a
takau.”



Angelo ne muvikala mukalu sila alaxu
vilesisi ta'angelo so tualasou Mosinge
tavu'alo e tavu'alo mipa kalumo.



Mipa la milexenu lexe so i'itinu Mosinge ualasou.
Milexe aloxo 'o, "Ta'itinu ualasou Mosinge
e uxoxolu teitexi avile. Xe noxi'a
tamitema no lialia ane



Mosinge u'osasi'a
la ixolu lalavulusi."



loxe, ta'angelo mixexesi'a so milivu no tualasou
Mosinge mukalu la tamitema so isaxila'a tasipisipi
mi'oxo lexe, "loxe, nenge tapalea talai ne Peteliemu
mo tamaisou mi ma'ia muxali a loxo Tatananenge
mupela'ingexu 'o."



Laso ane'i milutu palea milai xo xe milavusi'ae laso mixalisi'a Malia ilou Iosepu. Mo mimaisou keakea a muai no lusou la'ilalixa'a takau. Ane'i mimaisou mukalu laso mipala'anixu vaikala ane angelo mulemolu so molomolo ne noxi'a.



loxe, Malia mivo'onu
lesua no xale lia ne
lutea no tuala ne
Peteliemu no mine
Eloti muxolu
kingisio. Ane



mivo'onu la tamitema se'i so
lavulavu me'a no anu xale lia no
Isiti loxo aso uxali. Me'a nopaxa
ne mine'e xo laso mixali ne
lelusalemo.

Mixali la mitalitali'i
lexe, "Keakea e so
kingi noxi'a Taiuta a
uxolu ne'ei? Nexi
texolu no
tualasixe no

aso uxali la temaisou taoto vile
so musosovosou laso tene'e so
taitinu ualasou."



Ioxe, Eloti mulomusou
vaikala anene la mu'aval'i'a
tamitema so lavulavu e so
tuala no aso uxali. Xe
ane'i mixali noxou la
mumunumunu noxi'a mo
mutali'isi'a so voxo aneva
u'isalili e taoto muxali.



La anu mupalusi'a so
ilai ne Peteliemu mo
muvikala lexe, “Ngingi
ngalai ngakamulinu
keakea ne laixe. Loxo
ngaxalisou la ngalivu
ngane'e nga'loxeli mo
so eni kalumo alai
a'itinu ualasou.”



loxe, ane'i milomusou vaikala noxou mukalu la ane'i milutu milai. Milutu la mimaisou taoto e mimaisou no tualasi'a la anu a mu'uli laxune'ila.

Mu'uli laxune'i xo la mulai
mutalo teitexi no apu e
molomolo muxolu no anu.



Xe mixali la mi'unalai no taní ne la mimaisou keakea
olie nenu Malia mixoxolu. Mimaisou la milalusi no
laxunu so imaxa'u mama'u mo i'itinu
ualasou. Xe mino'u mimi se'i
mune'e la mixavulalanu so
milosou. Mimi lailaixe ne anu

koli xe ueli ane
tuma'u lailaixe xe
mi e ta'elaxu so
tuma'u laixe.



Milosou mukalu xe ili'i loxo miai la Mosinge
mupela'a no anu ai saxi lexe ane'i ilivu ilai noxou
Elotila uasi. Laso ane'i mipolo no
vote'i vile so ilivu no tualasi'a.



Xe ili'i la tamitema so
lavulavu milai mukalu, xe
Iosepu muxoxolu xo xe muai
musaxi. Muai musaxi la
angelou Tatananenge mupa
noxou la muvikalanu
lexe, "Nalutu mo nano'a
molomolo olie nenu mo
nga'ume ngalai ne Isipi."



“Mo ngalai ngaxolu ne xo xe
ili'i la eni a'avalinela. Xo Eloti
ukakamulinu molomolo ne
so uvau usoli.”



loxe, losepu mu'avuti mutulu
no olovoxo nesi ka muno'a
molomolo olie nenu la milutu
milai ne Isipi avile. La ane'i
milai mixolu ne Isipi xo mo
Eloti musoli mukalu. La
mi ne mumulinu
Tatananenge vaikalou e
polopeti mukaukavunu
tatei





lexe, “Eni e'avalou alixeli
muuatu no xale lia ne Isipi.”



No voxo ane Eloti mulavu lexe
ane'i tamitema so lavulavu no
xale lia loxo no aso uxali
mikalavoinu mo mipolo no
vote'i vile, la oponu ialuxu
manina.



Oponu ialuxu la mupalusi'a tavoiou se'i milai no tuala ne Peteliemu xe tuatuala ane no pa'upa'umolu. Mupalusi'a so ive'ave'a tamolomolo tamulu ane takeakeasi mo utelai uxali noxi'a ane tau iex'a'a tatamei.



Eloti musosovosi'a tamolomolo
axone xo anu tei la mutali'isi'a
tamitema so lavulavu lexe
taoto muxali no voxo aneva
manina. Laso tamitemaou
mimulinu vaiakalaou mo
mive'ave'a tamolomolo.





Ioxe, Iosepuena mixoxolu ne
Isipi xo xe Eloti musoli
mukalui laso angelou
Tatananenge mupa noxou
Iosepu no anu ai saxi. La
angelo muvikalanu
aloxo 'o, “Ngingi ngoli'a
molomolo olie nenu
nga'avuti mo ngalivu

ngalai no xale lia
ne Isilaeli.”



“Xo ane'i tamitema e mi'oxo
lexe ivau molomolo a
misoisoli mukalu.”




la Iosepu mulomu lexe Eloti olu Alekelausi muno'u
tanixu mo ukingi ne
lutea laso anu u'ume
so ulivu ulai ne. Mo
Mosinge



mupamuxanu
Iosepu no anu ai saxi
vile sila mulai no xale lia ne Xalili.
Ane'i milai no xale lia ne la mixolu
no tuala illemolu lexe Nasaleti.





Mixolu ne laso
muxalixu nene'axu
vaikalaou Tatananenge ane polopeti
vile mukaukavunu tatei lexe, “Ane’i
imoxo'u lexe itema so Nasaleti.”



Xo Mosinge musexelaxa'a tatemanu
lilia misevile, laso anu mupilixinu Olu
e soxu vilesisi. Mupilixinu mo so ane'i
ta'ei ilopala noxou la imamulo uasi,
ixalisou mauli kaluxu uasi.



Romans 3:23 Xo nenge mukalusi tesusu, mo loxo nenge menge tatovonu so taxali noxou Mosinge, la tapunengesi.

Romans 6:23 Laso anu ane. Loxo itema uxaxai no anu susu, la lapesou ane solisi. la Mosinge uiaiama noxingue so lexe taxolu noxou Kalaisiti lesua anu Tatananenge, la tano'u mauli kaluxu uasi.

Hebrews 9:27 Xo tamitema mukalusi isoli alaxu vilesisi. Xe mukalu la itulu no laxunu Mosinge so utilovosi'a.

Ephesians 2:8,9 Xo ngingi ngelopala noxou laso Mosinge muiaiama noxingue so mupamaulingengi. Mi ne ngingi menge ngaxalixu uasi. Mosinge molu mu'itimengi. Anene lakolisou xaixai vile nge'oxonu uasi. Laso tava'u so itema vile u'itinu no anu uasi.



Romans 10:9,10 Vaikala aloxo 'o. Loxo itema vile uvikala lamana lexe lesua anu Tatananenge mo ulopala no oponu lexe Mosinge mutulusou no anu soli, la itema ne uxalisou pamauli ane.

Xo loxo itema vile ulopalanu Mosinge vaikalaou la anu uvikala lexe, "Ai, vaikala ano'o maninasi." Loxo u'oxo axone la Mosinge ulemolu lexe anu malemalenga. Xe loxo u'oxo lexe, "Anu ane, eni alopala noxou lesuasi." La Mosinge upamaulinu itema anene.

John 3:16,17 Xo Mosinge musexelaxa'a tatemanu lialia misevile, laso anu mupilixinu Olu e soxu vilesisi. Mupilixinu mo so ane'i ta'ei ilopala noxou la imamulo uasi, ixalisou mauli kaluxu uasi.

Xo Mosinge mupalusou Olu mune'e no lialia ia so utilovosou susu noxi'a tatemanu kaio ulemolu mamulosi'a uasi. Anu mupalusou mo so tatemanu lialia ixalisou pamauli a noxousi.



1 John 5:11-13 La ano'o vote'i so Mosinge mupala'anixu
lexe vaikalaou ne maninasou. Anu mulosinge mauli kaluxu
uasi la tava'u mauli kaluxu uasi ne a noxou Olusi.
Itema ane Mosinge Olu uxolu noxou la mauli anene a uxolu
noxou. la itema ane Mosinge Olu uxolu noxou uasi la mauli
anene uxolu noxou uasisi.

Eni ekaukavunu vaikala ano'o ulai noxingi ngingi ane
ngalopala noxou Mosinge Olu, mo so ngingi ngalavu lexe
mauli kaluxu uasi a muxolu noxingi ne.



Matiu 1-2; Luku 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Ata (atm) Copyright 1999 New Tribes Mission, Sanford, FL
32771-1487

<https://www.bible.com/en-GB/bible/3549/MAT.1.ATA>

©2025 Bible for Children, Inc.

www.M1914.org

www.bibleforchildren.org

